



浙江  書館

915.1246  
2062  
3



浙江圖書館



浙江圖書館



浙江圖書館

李羽山志卷三

李羽山志



浙江圖書館



浙江圖書館

委羽山志卷三


記文

委羽山紀事

圖書館

邑人

胡昌賢伯舉修輯  
李邦樞希英叅攷



陶宗儀字九成元末邑人

吾台之黃巖諸山。岷絡相聯。自縣治南。陸行四五里。有委羽山焉。昂如翔鸞舞鳳。俛若伏龜。躡屣長林。鬱鬱幽澗。泠泠千態。萬狀不可槩其勝。中藏洞穴。道家

2090696

所謂空明洞天是已。有好竒賞真之士。秉燭而入。行  
兩日不能窮。聞櫓聲而返。山產方石。大者偪骰子。小  
者比粟粒。故老相傳。昔有靚妝美女。當風清月朗時。  
消搖於竹樹之下。或變服扣里人門求水火。里人異  
其狀。密尾之。迤邐從洞中去。因以爲怪。遂穢其地。越  
日。家忽自燬。室廬一空。惟妻子僅免。遂流離他處。人  
謂穢仙境所致。自是仙女不復出矣。予幼時尚及見  
其所赫故址。茲特紀其事云。

瑞井記

王珣

字未寶。臨海人。宋國子博  
士。權本州事。死國難。



歲景定癸亥冬。余偕杜生用之抵巖邑。訪李生景文。景傳二生歛予于委羽山中。因尋二徐故蹟。竟不能得。是以傷道學之淪喪。弔芳躅于蒿萊。徘徊悵望者久之。已而相與抵空明洞天。時日方午。風暫息。因雷洞口。拂石坐。譚黃白之事。俄有一樵叟。亦息肩于茲。為致辭曰。諸君子能談神仙。亦知此中琪樹所植之處乎。予輩謝弗知。叟指曰。此前穴者。是其處也。閱歲久遠。忽一夕為風雷所撥。里人斧以為薪。析之有文彩。然之有異香。家人驚訝。舉而棄之江。自是無琪樹。

矣。予曰。有是哉。是瑞也。夫地能產異木。或者下有異物。乃命奚奴掘之。甫尺有咫。得方石無算。須臾有泉湧出。其味清冽甘美。二生以為此地宜井。遂命工鑿之。因名曰瑞井云。嗟。物之榮枯有時。出處有數。向使予輩不至斯地。不遇此叟。則琪樹無徵。醴泉閉塞矣。固知士有懷才抱德。巖居穴處者。不遇明良。延攬則終於草萊而已。孰得如是井之名于世也。作瑞井記。

重修委羽洞觀記

浙

謝伋字景思上蔡人宋太常少卿寓居本邑

台之黃巖縣南五里。有山曰委羽。山北有洞。父老相傳數十年前。有青衣童子戲洞口。居人以溷穢之後。竟不見。洞前有道觀。紹興中。石城李君端民令茲邑。暇日課農桑至其處。始擇道士董大方主之。稍給香燈。大方以符水治疾。輒愈。邑人重其術。自是二十年間。堂殿門廡高敞。庫厨溷浴具備。遂變荆棘為勝地。按大洞記。甌越之區。大海之涯。地產方石。真人劉奉林所居也。奉林嵩高逸士。避周季世。栖焉。控霍輕舉。

墜一大翮。人因名其山曰委羽云。予寓居三童。鐘  
 鼓相聳。常游茲山。及守縉雲。大方遣書求文記之。余  
 還書答曰。我本山林人。主郡原非所好。盍俟歸。既而  
 又奉使浙右。大方復以書來曰。公又度浙而西矣。歸  
 期可日月計哉。弘農寓公重道相悅。欲成勝事。許勒  
 貞珉。固請。予乃記。

重建大有宮記

留夢炎 字文光。西安人。宋丞相。仕元翰林學士。

前宗陽常靖高士王君中立。退處於委羽山。重建大

有宮將成。至元癸未。被召畱四載。寵眷甚隆。賚予甚  
渥。屢請還山。久之得遂。仍授仁靖純素真人。賜本宮  
護持聖旨。并真玉像金堂二區。永鎮名山。於戲休  
哉。王君具山始末。旨示前進士。畱夢炎請記之。按委  
羽在台之黃巖邑南五里。道書號大有空明洞天。居  
天下第二。世傳周劉奉林于此控鶴輕舉。墜大翮。故  
名。據陶隱居真誥云。奉林自嵩高徙入委羽山。不載  
控雀事。惟載司馬季主事。特詳云。季主潛形委羽。其  
同時學道鮑赤陽。輦亦得解化。若其子女。法育濟華。

俱附見。迨晉許長史穆撰次列仙。與楊君義書疏。往復推季主之道。而羨委羽之高冲。歷歷可考。神仙遼邈。所得而論者。舍季主奚適。矧老氏之學。以抱一為宗。以專氣致柔為務。惟專氣致柔。故不夭不折。後使萬物有孰大焉。惟抱一。故徹上徹下。虛中生白。空明孰甚焉。委羽獨以大有空明稱。深得老氏宗旨。宜其古今得道至人。由此。臣致潛養之功。洞前舊有觀。宋紹興間。道士董大方經理。上蔡謝伋為之記。復百餘年。勅賜龍簡。山中以無壇宇。掃地而祭。王君年尚

少與選偕行。顧瞻大息。夜夢真人遺囑甚審。始慨然有志興復。其住西太乙也。抗疏甚力。久乃得允。營之。蓋又領衆宗陽。而山中之役弗休。丙子。天命推移。舊觀坐復。俄燼于兵。君夙志不渝。且顧遺址隣於墟塚。非所以妥仙靈。乃徙卜印山右。兆新宮焉。從僉同也。前瞻仙洞。背負鰲屏。方山據其左。大江帶其右。若天造地設者。由是四明雁宕比隣。括蒼金華相望。誠王君籌畫之所致也。起戊寅。閱歲落成。前為大殿。奉三清也。後為講堂。最後為拱辰殿。居璇極也。崇真正于

右三元于左。備灋教也。東序列五師之位。西序縣衆  
真之圖。方丈厨庫。湣浴各居其所。門外鑿池。構亭。以  
供嬉游。修禊祓。資觴詠也。前剏櫺星門。非醮祀不啓。  
別開竹扉出入。舊無恒產。今置新田。又因廣斥。以勤  
敷蓄。墾山園。以給薪茹。俾可籩也。噫。若王君。可謂有  
志事竟成者也。君平居冲澹淵嘿。故能堅守力行。不  
負所託。吾知其宗風遠振。與名山相無窮矣。創始之  
功。豈不大哉。故不辭而記之。

重修委羽觀記



錢習禮

名幹。以字行。吉水人。明禮部右侍郎。謚文肅。

大有宮在黃巖縣治南五里許。委羽山之麓。道書為大有空明洞天。周劉奉林于此控霍上昇。鶴委大羽於山。故名委羽。又謂嗣奉林得道于斯者。司馬季主。鮑赤陽輩。予聞此蟬蛻者。嘗鑄之金石。今無考。可質者。前碑云。宮建於宋紹興間。後燬于兵。元至元中。常靖高士王中立。主京師之宗陽觀。罷卜于此。殿廡堂宇。田園倉廩。靡不畢具。而壯麗又為一邑仙都矣。元季又燬于兵。弗鼎飭者五十餘年。歲宣德甲寅。久旱。

苗稿。掌縣事台之別駕周侯旭鑑。率耆老吳春革。招赤城道士施嗣真于茲禱之。甘雨沛澍。環封之內。優渥霑足。禾登有秋。侯及耆老僉曰。祉哉。顧茲隘陋。弗足以妥仙靈。乃相與泛材于川。輦石于山。陶甃于野。鼎建大殿。甃以珉石。飾以丹雘。肖玉皇象于中。道士朝夕諷誦洞章。仰祝聖壽。俯祈民物之阜康焉。落成。推道士黃一清來金盃。疏事巔末。徵予識而鐫于石。俾後來者知周侯暨主觀者之勞。予稽諸禮。天下名山大洞岳瀆。凡能興雲吐霧。濟民利物者。郡邑皆

得通祀。矧委羽為江南望耶。矧名列洞天。具載道書。耶。矧周侯禱雨。獲甘澍之應耶。邑人新其廟而崇其祀。宜矣。乃識其事。

### 重建大有宮記

書

金立相

字道夫。臨海人。皇明兵部郎中。

黃巖地瀕大海。民敷土沃。雄冠諸邑。俱依山突兀南峙。據巖之全勝。舊傳大有真人劉奉林治空明洞。晏坐煉真。一日控霍仙公。墜翻山柵。復名委羽云。宋紹興間。石城使君李端民令茲邑。春日勸課農桑。至其

處始擇道士董大方主之。遂芟去蓁棘，剏拓宮宇。更元至我朝，復建大有宮。迄正統末，宮殿圯壞，郡倅周旭鑑葺而新之。垂數十年，為豪右所侵，觀之膏地腴田，將無餘畷。道士之貲，修復良可嘆哉。邑汪侯汝達，以暇登委羽，旋憇大有宮，詰得其故，命籍其田地，悉奪還之。入其稅，修葺殿宇，翊以小屋數十楹，環而累土為廡，蓮池石橋，瓦甍楮堊之屬，以次完集。道士張興寧德侯，將建祠肖像，立石以垂不朽。乃走幣徵予文以記之。予欣然曰：嘗覩十大洞天志，委羽居其

二。邑雖斥鹵。已擅名於天下矣。徃管仙人逸士。騷客  
貴卿。或韞聲匿跡。或暢飲賤詩。徜徉其中。至今傳記  
郡乘。光照人目。則黃巖之有委羽。實兩浙之冠蓋也。  
而大有宮之興廢。識者不能忘情焉。汪侯茲舉。可謂  
有餘才矣。故不辭而爲之記。

### 重遷東源寺記

黃潛字晉卿。義烏人。元翰林學士。謚文獻。

黃巖州治之南五里。有山曰龜山。延祐間。大比丘無  
住禪師定公居之。州人皆慕師出風。至順二年辛未。

桑門契如。知師雅有延待十方雲水之意。爰即舊圖  
新得地南隴之半而遷焉。州之信女金氏徐氏黃氏  
共施錢刻木肖圓通大士像。莊嚴崇奉。蔚為寶坊。今  
所謂東源禪寺。世以甲乙守之者也。師慮衆集而食  
不繼。則事墮。羣居而律不嚴。則業墮。既買田若干畝。  
擇其徒廉謹通練者。主其出入。又推一人為衆所服  
者居首座。凡禪誦動佗威儀之則。一遵方丈清規。蓋  
師俗姓趙。居邑之西橋。高曾祖皆以貴胄從學。考亭  
朱子。姻而師者也。生稟泚霧。幼篤慈祥。稍長。事祖父

及兄克孝且恭。既終養。輒蟬蛻萬緣。謁方山寶公于  
杭之南屏。願改初服而師事焉。公噐之。昔年二十有  
八。具戒首叅。瀕際公於婺之智者。一言玄解。頓造玄  
關。益見鐵山璠公。而歸老是山。足不踰閩者三十年。  
示宗之日。得舍利無算。遂建塔于山之西麓。迨乙丑  
夏。余忝以非才。召還太史屬。道由吳會。師之上首弟  
子一恒。不遠千里。以寺之始末。師之出處。徵予文勒  
諸貞珉。昭示方來。按龜山即委羽山。俗所謂俱依山  
是也。道書稱為第二洞天。云有真人嘗輕舉于此。迺

師以世家舊族。即有入空懷寶厥躬。退藏於密。始也  
滅跡韜光。終焉順緣闡化。於是崇基易構。宅勝面陽。  
佛燈照大有之天。梵寓廓空明之境。豈易易哉。為之  
後者。服其服。居其居。當知培本濬源。蹈規迪矩。使無  
上福田。利益群品。則甲乙之傳。其未艾乎。庸因一恒  
之請而書之。若夫工之鉅細。費之多寡。其末也。茲可  
略云。

文獻書院記

李震遠

字

達邦

邑人

元

福建

叅

文獻書院。乃邑人劉君仁本所建。為祀朱文公而配。



以杜清獻公者也。復別立祠以祀二徐二杜郭正肅  
趙太常諸君子。先是耆老阮舜咨輩暨進士周君仔  
肩主是議。二上當事者竟寢不行。劉君獨矍然有慨  
於中。越數載。自温州路揔管進陟樞密副使。踵而行  
之。始得上輦。命下之日。衆謂千古文獻有托。遂擇地  
於清獻之故里杜曲。先期馳書徵臨川危君素紀其  
事。尋以杜曲斗隘道遙。遂改建於邑南之委羽山。然  
委羽山。霧秀出所鍾也。庀材鳩工。不數月而竣。事復  
徵臨海朱君石記之。其記未悉初造艱難之故。劉君

乃復屬予。嘗聞之。文公以宋大儒。提舉浙東。而邑士从游者。彬彬最盛。師友淵源。有自來矣。再傳而得清獻公。豐功峻烈。史策爛然可覩。使公久於台鼎。其勛業可勝道哉。於戲。文公見嫉於侂冑。遂致左遷。清獻見愠於嵩之。竟終官邸。正人君子。每為小人所忌。如此。蓋國家用人得失。而國之治亂因之。自古及今。無毫髮爽。余固感二公為千古偉人。復得祀勝地。而道益光。豈獨為一邑之文獻乎哉。爰推劉君建立之意。勒于貞珉。以垂不朽。

委羽山志卷四

館書圖  
邑人

胡昌賢伯舉修輯  
李邦彜希英叅攷



題詠

晉

游委羽山

潘端明

名正以字行中大夫守尚書左衛將軍  
上柱國食邑五萬戶及劉豫墓晉葬憤  
不食而死

茶按豫當作裕

借問仙游子。何年上玉京。至今稱委羽。霸秀似蓬瀛。

此詩偽其大亦偽王蔡  
記

南北朝宋

謝靈運 小字客兒。會稽人。永嘉太守。

此詩偽

山頭方石在。洞口花自開。雀背人不見。滿地空綠苔。

唐

顧况 字逋翁。姑蘓人。著作郎。貶饒州司戶。

此詩偽  
此詩為黃帝先生所取  
則非偽也

昔人乘鶴玉京游。翮遺仙洞何幽。我來尋覓空夷。猶烟霞萬壑。明清秋。何當騎麈翳鳳。登瀛洲。倏忽能消萬古愁。

杜光庭 見仙道。

浙

似偽然赤城志已載之  
姑以考真可也 又赤城  
志有在清王十朋三詩此  
即失載

宵然霧岫五雲深。落翮標名振古今。芝朮迎風香馥  
馥。松檉蔽日影森森。从師只擬尋司馬。得道終期謁  
奉林。欲問空明竒勝處。地藏方石恰如金。

宋

范宗尹

字覺民。襄陽人。尚書右僕射。

暨到山中禮法壇。空明雲氣逼人寒。當年孤宦知何  
處。遙想天風墜羽翰。

鄭克己

字仁未。括蒼人。本邑令。

委羽空明天。神仙第二洞。平郊湧積翠。騫騰如展鳳。

此詩偽

此詩偽

管有洗心人。白雀雲端控。脩翮墜飄風。草木隨翻動。  
我來躡遺踪。冀得惺塵夢。剩采黃精苗。犁破霸根種。

朱熹 字元晦 婺源人

山藏方石爛。門掩薜蘿深。道像千年在。衣冠照古心。

此詩俗傳乃文公主。管台州時作。然公為宋大儒。出言皆有理趣。獨此篇詞意中有未安。况寓台諸集。俱無所載。豈傳葦者。訛耶。今亦存之。呂侯博識君子。

王居安 字資道 龍圖閣直學士

幾日山不到。山心自清稜。有方石。拾得通仙霧。

戴復古 字式之

此詩偽

此詩偽

秋老山容瘦。雲間自太來。野人相對此。塵念倏然開。

杜範字成之。右丞相。

莫訝青山小。山因洞得名。仙人騎雀去。畱跡在空明。

王珣見記文。

瑶草琪花半已空。洞門窈窕自春風。千秋隻雀無時

返。安得蓬萊有路通。

李景文名彬。以字行。鄉舉。元徵辟不就。

王國風塵暗。仙山景物新。龍宮逾紫禁。雀馭遠朱輪。  
水融溪上日。花發洞門春。一似桃源路。從今學避秦。

李景傳 名材以字行。正奏。

春風蕩漾轉平林。蒼翠重擁峻岑。霍背玉笙吹月  
遠。洞門瑤草鎖雲深。酒開仙界疑瓊液。歌徹金壇豈  
大音。白首已知蕉鹿夢。任教塵世自浮沉。

元

潘士驥 字用德。

控鶴者誰耶。金刀五雲何處風。飄相傳脩翮遺山  
樹。太古片雪吹不消。一點空明境非境。方石無言洞  
門靜。玉京盟斷不歸來。斜陽滿地琪花影。

圖

江



方石

葉嗣孫 字本初

洞口拾不盡。雲根應旋生。錙銖存地象。稜角自天成。  
仙姿曠猶在。山靈骨亦輕。攜歸到人世。袖裏有空明。

丁文昇 字子高 刑部侍郎

空明秀峙。纔墜今古十洞。稔雄任邈。游人來往。山前  
山後清風。

應夢廬 字彥文

乘閒得。到仙家。古洞寒雲帶晚霞。一自雲禽遺羽

浙江圖

委羽山志 卷四  
四  
翰。千年方石出坭沙。碧蕊花庭眠青鹿。丹鼎烟中見  
白鴉。偶過黃冠話寥窳。始知塵外樂無涯。


浙江圖書

委羽山志卷四

委羽山志卷五

館邑人

胡昌賢伯舉修輯  
李邦稷希英叅攷



題詠

皇明

游委羽山

鮑原弘名仁濟以字行伊府紀善

欲寄幽心與白雲來趨仙界孰為羣煙封洞口人家  
少日上峰頭樹色分跌鳳丹霞何自得翳磨碧落墜

空殷祗緣纓冕牽塵務未悟軒轅八會文

解餘慶

字彥善本府經歷

仙人劉奉林何季昇碧落寶鼎封塵埃琪花散林壑  
篆古石有文雲深峒無鑰至今山中人悠然望歸雀

葉滋字榮焱

圖

嵩高羽客曾來此控雀飛昇望不回玉象天香藏寶  
閣翠龜雲氣接瓊臺山中方石千季爛洞口蕊花幾  
度開今日得教塵夢惺何須海上訪蓬萊

贈空明道人

高啓 字季迪長洲人戶部侍郎

豕聞夫城南仙嶠名委羽煙霞閉深峒絕壑飛玉鼠  
空明中有天日月照瓊宇昔人煉丹成騎雀飄二舉  
而翁夙慕道栖此求真侶玄文夜々披震藥朝二茹  
歲久必改形昇騰何所圖

王叔英 字原采翰林修撰死建文之難

仙子何年昇碧落至今洞口擁晴雲束薪煮石無為  
侶獨倚空山到夕曛 浙

徐宗實 名垕以字行兵部侍郎死建文之難

此詩偽

洞古多霧草山高竝赤霞仙游終不返日夕噪群鴉

應辟辭歸重游委羽山館

張羽字孝翊薦辟不受官

鳳闕辭歸復入山空明洞靜欲燒丹祗愁白髮生來  
易却使黃芽變太難晴日牽花春正暖何人雕雪晝  
生寒玉書倘得神仙授芝饌從今歲餐

李公楞字志巖

人度煙霞外雞鳴霄漢間壇空瑤草長花落石苔斑  
塵夢應難惺流光自等閒誰从千載後霍馭可追攀

戚存心 名榆以字行禮部侍郎

空明古洞生紫烟中有真人年復年丹成一旦控霍  
太脩翎委落茲山巔我來欲問燒丹訣故向雲中  
數闕身世浮名抵不知乾坤自與人閒別

盧廷剛

名憲以字行谷府長史屢諫王王誣以  
鼻磔死

奉林控霍昇碧天至今姓字人間傳石洞春深長  
草丹爐歲久生紫煙一公千年不復返幾度登臨  
莫遣天風時逐白雲來吹落碧蕊花片

鮑相

字廷贊國子監丞

季子山志 卷五 三  
俱依自昔有璿房春日來游醉羽觴老霍遠歸松樹  
暝落花輕泛石泉香玉書可翫無人授瓊液知甘不  
自嘗安得飄然方外去任教塵世變滄桑

章日攷名自勤以字行禮部主事

曾沉宦海隔玄關粉署歸來始入山石峒朝：雲氣  
黯古碑歲：蘚痕斑奉林騎霍今何在季主飈輪宵  
不還千載仙風如可即願分大藥駐衰顏

林灝字洪端兵部郎中

欲將幽意寄青山花徑風清洞府閒掃却白雲尋藥



鼎仙人霍駕幾時還

章陬 字仲寅禮部主事

遲日嬉游古洞門  
管人曾此駕雲軒  
欲尋方石緣風磴  
細閱殘碑拂蘚痕  
世上不知空歲月  
就中疑是別乾坤  
五符靈寶何時授  
悵對斜陽誰與言

夏時敏 名珉以字行廣信教授

采采靈芝入洞門  
空明萬里別乾坤  
藥爐已伏燒丹火  
霍羽猶看片雪痕  
谷靜風過生爽籟  
山深翠擁濕雲根  
風燈曉露悲人世  
安得仙官一與論

李宗應 三山人

短褐飄飄入洞門連阡芳草憶王孫  
花開萬樹饒春色蘚蝕穹碑少字痕  
碧嶂淡烟迷藥圃清溪流水合仙源  
此中習靜疑蓬島方外空談有玉尊

蔡堅

字廷白曲靖太守

挂冠興右一身閒萬里歸來隱此山  
瑤草不殊前度色琪花猶是舊時顏  
平林日上聳猿嘯古洞雲開見  
雀還采得金芝堪作饌莫令雙鬢老來斑

委羽見杏花

羅洪 字從範陝西御史

昔人飛昇碧空裏千樹菴花尚遺此枝二雲錦燦金  
壇簇二霞綃映瓊宇我來錯認武陵源莫遣殘紅逐  
流水

謝省 字世脩寶慶太守

管人此地修丹訣丹成控雀昇天闕風吹落翮在山  
樹萬古應難消片雪挂冠長嘯此山中空明勝槩由  
天設洞口恣花歲開山頭雲錦朝列始知仙界  
別乾坤何時飲露餐瓊屑

夏日空明道觀

周鼎 貴溪人

館

崱硯竒峰擁觀門，朱明到此愛風援。  
蒼苔蝕碣仙畱跡，碧樹迴廊雀自翻。  
夢受靈瓜終是幻，座收神橘竟難言。  
洞中復有真人出，玉札金丹好共論。

將游委羽夢中得詩二句，因續成之。

謝鐸 字鳴治，禮部侍郎。

夢入空明酒半斟，夢回猶記小仙吟。  
壺中歲月乾坤別，洞口烟霞草樹深。  
萬古風光誰管領，百年山水幾

登臨亦知辟穀長生術無奈蒼浪鬢髮侵

余景

字從明衍州同知未任卒

雲作奇峰炎日永欲聽浩露此中游松陰匝地不知  
暑風氣襲人渾似秋瓊室玲瓏留道帙蘭橈窈窕枕  
清流久為塵世浮名誤今與仙山誓白頭

童子來

本宮道士

空明入望翠相連玉笈瓊書見列仙天下人稱第二  
洞雲間霍太幾千年地震處餘方石山靜朝遠  
俗緣禹步不違任九跡昭華吹斷紫霄烟

林阜蕭臺人

共說空明好隱淪  
仙人居處絕囂塵  
金壇雨過蒼苔滑  
蹊徑烟迷碧草春  
不見胡麻浮澗水  
祇聳幽鳥喚游人  
古碑拂拭喃：讀始覺  
儻冠誤此身

鄺文

字載道南海人御史左遷本邑令

春日籃輿入洞來  
洞前苑樹幾枝開  
山靈應與東風道  
莫遣花飛點綠苔

奏罷雲和對夕陽  
瓊酥空憶一杯嘗  
仙人已去瑤京遠  
春雨年：花自香

策杖向何處空明古洞天風搖松偃仰雲動雀翩躚  
汲玉烹新茗林香調綺絃嬉游應盡興秉燭未言還  
訪章鍊師

道人一室大如斗春到山中何所有雙魚雨後躍深  
池孤鶯風外啼垂柳在事悠々幾變遷門外青山天  
墜久我來遊戲更尋真控雀仙人招得不

張永 字孔脩京口人本邑丞

兩袖春風古洞來玉尊遙對五雲開當季羽客歸何  
處白石磷々染綠苔

項元簡字士稜

鳴琴茂宰訪仙來雲鎖松關午未開滿地落花風不  
掃共看紅紫繡蒼苔

林歸衆鳥已斜陽仙令還畱盡玉觴醉倒雲牀清夢  
覺石爐又過幾行香

謝朝宣

自號龍渠道人 淮人 浙江御史

路入俱依曲更長雲梢獵獵動斜陽山中方石時多  
少洞口青衣事渺茫丹鼎烟浮籠法座藤花鳥蹴落  
危墻皇華駐節頻回首直北祥雲是帝鄉



陳學 字希賢興國尹

六管飛灰轉一陽脫來塵鞅醉壺觴山靈解得游人  
意漏洩寒梅數點香

委羽山餞蔡巨源進士北上用廊明府韻

施槃 字彥器山東副使

琪花滿地映斜陽送別空明醉羽觴君到曲江春正  
暖碧甃紅杏捻含香

柯昌 字廷言陽江尹

露冕行春已夕陽洞中沉醉紫霞觴它年君亦飛雙

鳥處 = 東風草木香

王弼 字存敬興化太守

葉葉邑志題為九峯

還家未出郭出郭為看山舊路依然在仙家指顧間  
池肩初罷汲竹密不須刪鳥語清圓轉應知客到關

與黃汝脩聯句



閒游晴日洞門前弼花草芬芳二月天石罅迸來泉  
脈細補沙痕落盡樹根懸東園竹密山無影弼西崦  
松高雀有年卻憶當時讀書處補至今風景尚依然

弼

王從鼎 字朝器 四川僉事

三山逐浪過江來  
酒對空明此夕開  
翠竹萬竿藏世界  
碧桃千樹護樓臺  
鼎爐伏火知難覓  
騏驎乘仙亦未回  
叢髮直須摩斗漢  
百年能得幾徘徊

毋息

四川人 臨海尹

入浙曾聳委羽山  
携琴此日得躋扳  
一巖長嘯烟霞外  
數著殘棋竹樹間  
踐草不成三徑捷  
瞻雲擬倫四隣間  
宦情風景偏相洽  
酒賤斜陽未欲還

蔡禹 三山人

長袖凌風一問仙。人跨霍幾千年。林花馥。開藁  
桂石竇冷。落細息曉雨。隨雲過嶺外。晚山流翠入  
樽前。茲游未及開金簡。歸讀南華第二篇。

文林字宗儁。蘇州人。温州太守。

欲醉還嫌酒力微。主人携我坐斜暉。雲迷古洞霍長  
太家在荆門。客未歸。午日煮茶分澗水。半空啼鳥落  
巖扉。扁舟簑笠五湖闊。翹首从今與世違。

楊全字初復。宣城人。本邑丞。

委羽山如彩鳳翔。勝游那惜醉壺觴。江天日出雲初

散籬落雪消梅正香  
仙洞有霞方石在古碑無字綠  
苔荒登臨極目衡山遠風景分明似故鄉

吳堅

字守白

雲物舒和石路平  
松杉積翠隱空明日斜不盡登臨  
興又踏南郊月半程

圖

丁熙

字克明國子學錄

勝地塵囂隔清秋  
眺望賒長懷騎雀者卻自欲餐霞

陳徵

字崇恩榮府紀善

竹枝松葉護瑤宮  
控雀仙人竟不逢  
古洞空明開日

月穹碑剝落臥蒿蓬孤雲入壑天無際遠澗聞聽韻  
不窮讀盡黃庭丹可就應教白叟少如童

胡福 字洪之

洞口秋高烟霧開上清羽客不歸來金壇守空延  
佇吟向西風帶月回

徐慶亨 字世嘉禮部主事

平生孟陽同好游尋仙踏遍群峰頭丈夫襟懷邁千  
古朱顏肯為青山羞君不見縣南有山名委羽洞天  
中寬萬餘里一自仙人去不回此山永作吾台主翠

濤怒起屋頭松素練翻拖門外水我來一覽興悠哉  
雲隨兩袖翩三舉頓覺詩魂徹骨清不知身在春風  
裏

黃綰

字宗賢禮部尚書

昇仙何處遺空洞碑載千秋謝少卿  
霍去青霄曾墜羽神游丹闕尚吹笙  
傳聳周漢誰堪據蹤跡滄桑幾  
變更回晉松間明月上罡風猶下步虛聲

鄭善夫

字鑑之閩縣人刑部郎中

黃巖黃宗賢為予築室委羽山招予共學方有心

事未果守官鬱、輒有東路之思奈故鄉多難  
欲歸不可行當赴其招矣紀興一晉

不分委溝壑上林安一枝官隨年少後拙負故人知  
彛鼎終難就簞瓢定不辭鄉關方苦亂公采羽山芝

至委羽山



東海龜茲仙聖居琅玕芝草洞天虛函關已斷青牛  
駕委羽忻逢白鹿車

訪空明道士



胡倫 字子叙京山尉



籜冠藜杖向何之大有空明一問師白石通宵應獨  
煇黃芽易骨許誰知石幢書字投金日翠磬生烟種  
玉時蓬鬢十年悲自下今來已負白雲期

丁仁字恒近高密學諭

夜靜空山裏松窗月色明移尊臨洞口一倍照人清

童悅字思道

仙子遺踪何處尋風高雀穴紫雲深丹房舊鼎畱鉛  
汞洞口穹碑自古今為汲霧泉穿竹徑因尋方石坐  
花陰仙凡不是真相隔祇恨無方一洗心

王淮

東鄉人本邑訓導

昔人騎雀入天關脩翮當年委此山瓊室長存丹井  
例洞門深鎖白雲閒菲：瑤草連溪碧燦：琪花滿  
目斑幾度携壺歷游覽分明別是一人間

江澂

字景吳南城人僉事

山名委羽幾千季望：胎仙不復還古木千章啼好  
鳥縣厓百道落飛泉邀驩命酒春風裏乘興題詩夕  
照前最是聖玄無覓處不如歸誦太清篇

解仲範

何代仙人居此山曾騎白雀入雲間空明有路通三  
島丹竈無方煉九還瓊室午風香篆細石橋流水落  
花斑到來頓覺煩襟淨日：盤桓懶出關

晚過空明

張文械字季札

圖

十年顛顛負烟蘿此日扶藜峒口過松竹韻隨幽澗  
出雲霞影度晚山多青厓放鹿銜瑤草碧漢迴鸞下  
玉柯蓬鬢自憐徒傲睨神仙丹鼎已蹉跎

鄭通

字廷濟

玉笥山志 卷五  
三  
瑤草琪花夾小溪，挂雲游客到巖扉。  
藥爐火伏丹何在，蓬海風高雀未歸。  
幾疊青山渾舊境，百年往事只斜暉。  
遙看天際紅霞沒，野鳥翩、斷續飛。

春日與友人泛舟登委羽

蔡紹科

字弘哲大理府守

潮湧江門促進舡，蘭橈共泛小壺天。  
雲迷遠岸鷗群臥，雪噴迴瀾漁網牽。  
苔蘚摩挲先輩碣，筍魚餽飮腐儒筵。  
酒酣便欲凌蒼漢，詩渴何妨漱玉泉。

符驗

字大克御史

標勝空明寄隱淪冥心不復染流塵  
花然峒口疑相待雲暖林邊欲作隣  
樹舞千年冲漢窟溪逢何處濯  
纓人蒼虬未得徒遥望歲書尋芝老此身

朱鰲字時化

懷仙歌咏入山隈夾路莼花次第開  
古洞烟霞生白晝斷碑文字覆蒼苔  
千年方石尋還見一點紅塵飛  
不來紀興漫題蕉葉上馬蹄歸趁亂雲堆

劉澄

嘉定人教諭

浙

乘風何處問真源  
万里空明别有天  
石洞花陰春寂

仙人霍太羽翮  
山中芝朮今猶昔  
物外烟霞日  
侶年游躅不塵  
蘭蕙路松間  
從此借雲眠

朱元渙 字存亮

攜壺拄杖訪仙踪  
八月秋高四望空  
人太玉京今幾  
歲洞門深鎖白雲中

圖

汪鯉

為愛空明此日過  
洞門深鎖白雲多  
松交晚翠陰垂  
徑草自含芳綠滿  
坡跨霍仙人今不  
返  
憇  
道士更  
何如我來歎  
盡閒游興坐對  
斜陽發浩歌

游委羽次孫邦采韻

高材 字充甫無錫人本邑令

糝：松花樹：金仙人跨雀剩空林洞門方石還遺  
跋鼎裏玄丹獨悟心笑我未除湖海氣憐君能發鳳  
鸞吟青春況是天涯暮莫惜花前酒重斟

方紹魁 番禺人訓導

春日遲：上翠微采芝種木自忘歸空明洞口桃花  
笑：却無人被草衣

與四明趙文星重游委羽

委羽山志 卷之六  
陳漢字文壘連州教授

越秀歸來日重尋  
霍駕仙洞門方石爛  
溪上碧桃鮮  
鼎伏千年火山開  
萬朵蓮四明嘉客對樽酒興悠然

陳聰字克簡

委羽山如画登臨對夕暉  
風高玄霍遠洞古白雲依  
梧酌多醞醑盤餐有蕨薇  
興闌人欲去嵐氣襲輕衣

朱鵬字時舉

花屐探游委羽山  
埃塵相隔迥人寰  
幽林花影春長在  
滿地松陰霍未還  
細雨忽過山路濕  
輕雲長鎖洞



門閒倦行漫策烏藤杖吟破東風第一關

趙貴泳

載酒來游路半程春深山院十分清花當旭日紅偏  
映柳拂晴烟綠漸明犬吠客來茶竈煖雀乘仙去露  
巢傾洞門深鎖無塵跡佇聽流鶯三兩聲

王子述

字承聘太平人

春日穿雲一布袍為尋仙跡恣游遨不聞松塢鳴玄  
雀惟見山花綴碧萼世事總成長夜夢機關都付壯  
波濤玉京望：徒惆悵歸路風生月色高

胡珙 字伯瑩 太平人

玉洞神仙闢金壇麋鹿游琴開明月照杯近紫霞流  
竹蔭宜迓暑花香不間秋憐予竟何侶身世一沙鷗

委羽山志卷五

浙江圖書



浙江圖書館

安期山志卷五

玉洞神仙開金壇康鹿  
許儉宜遊暑花香不問  
今開明月照杯近紫霞流  
予竟何仙身世一沙鷗



浙江圖書館



浙江圖書館



浙江圖書館



浙江圖書館



浙江圖書館




Blue Cyan Green Yellow Red Magenta White 3/Color Black

© The Tiffen Company, 2007

TIFFEN Color Control Patches

Centimetres

1 2 3 4 5 6 7 8 9 10 11 12 13 14 15 16 17 18 19  
1 2 3 4 5 6 7 8 9 10 11 12 13 14 15 16 17 18 19  
Inches




浙江圖書館





浙江圖書館



Centimetres

**TIFFEN** Color Control Patches

© The Tiffen Company, 2007

Blue    Cyan    Green    Yellow    Red    Magenta    White    3/Color    Black